

'Epetsutari Papuru kemitiwaruni'airi

Wairitsika

¹ Ne Papuru, Kakaiyari kemitinakeki nekananayexeyarieni, ni'ariekame nemayaniki Kiritsitu Ketsutsi hetsiemieme. Kakaiyari teiterimama nekanixewairitiaka 'Epetsutsie xemitama yuri xemite'erie Kiritsitu Ketsutsi hetsie.

² Kakaiyari mita'ukiyari, meta Ketsutsi Kiritsitu miti'aitame 'aixia mekete'u'iyarini xehetsiemieme, mekexepitiaka yu'iyaritsie xemika'uximatiariekaki.

'Aixia 'aneneme ketemite'upitiae Kiritsitu hetsie tetewiyati, 'iyaritsie mieme

³ 'Aixia ketikuxaxatsiwani Kakaiyari, kemi'ane Tati'aitiwame Ketsutsi Kiritsitu mu'ukiyarieya. Kiritsitu hetsie tetewiyakaku miki 'aixia kataniuyurieni tatsi'upitiaka naime 'aixia mi'ane 'iyaritsie mieme, meta muyuawi hetsiemieme.

⁴ Kwie kanetiariewekaku 'akuxi, Kiritsitu ha'eriwati 'aixia kataniuyurieni tatsi'anayexeyaka hetsiena mieme temipatsiekaki, tahetsie mikarahiiwaniki tatsixeyakaku.

⁵ Tatsinaki'erieti, meripaiti yatiyihaweka, yuniwema pitatsi'ayeitia, Ketsutsi Kiritsitu hetsiemieme. Kemiki mitatsiyurimikikai.

6 Kataniupitiani 'aixia temutiyuaneniki hepaitsitana, witsikemitatimikwa. Mipai pitatiumi, kemi'ane minaki'eriwatsie temitewiyaki.

7 Miki xuriyaya mutayeuriyaki, hetsiena tetewiyati tekaniuxinarieni. Tekateneuyehiwiyarieni 'axaketemite'uyuri. Mipai katatineuyehiwirieni kwinimieme 'aixia tiuka'iyariti.

8 Tinimiiriyakaitini tita mitiyurienekai tahetsiemieme 'aixia tiuka'iyariti. Naimeki temaiwawemete katanayeitiani katanipitiaka 'aixia temiteku'eriwaniki naime hepaitsita,

9 katatinihekiatsitiaka tita mitinake. Meripai pikatimatsiikikai tita mitinake, peru Kiritsitu ha'eriwati yapitiyuwaiiya mitatihekiatsitianiki.

10 Mipai katinaye'atianiekaitini kepauka tukari 'aixia mi'ane maye'anikekai, nitaxewiriyakekaitini naime Kiritsitu hetsie tiwiyakame, naime taheima mieme kwiepa mieme.

11 Miki meta, mikitsie tetewiyati tekananayexeyarieni. Mipai tepite'ukayatsarie teiterimama temakineki, mipai katiniyuriemikikaitini meripai, mipai tiniyikihawekaitini kemi'ane naime mitikuyuitiwa yatiyikihaweti kemitinake.

12 Tame meri yuri temite'uta'eri Kiritsitu hetsie, tame tekananayexeyarieni 'aixia temutiyuaneniki 'iya hepaitsita witsikemi'ane.

13 Xemeta xekani'enieni niuki yuri maine, miki niuki kexemitetawikweitsitarieni maine. Hetsiena yuri xeteniuta'erien. 'Ana xepu'iniaritarie, 'Iyari Mitiyupataki xeputseyumarie. Kakaiyari

mipai putayi xemeixeiyanikekaiki miki 'Iyari,

¹⁴ mikita kanihikitini tita temitepitariе hiki mieme, mimatsiikiniki tita tahetsie mitinake kepauka mitatsitaxina yuteiterima. 'Ana 'aixia tekaniutiyuanekuni 'iya hepaitsita witsikemi'ane.

*Ketemite'upitariе
temitemaiwaweniki*

ta'iyaritsie

¹⁵ 'Ayumieme ne neretimaika yuri kexemite'erie Ti'aitame Ketsutsi hetsie, ne'u'enaka kexemitewanaki'erie yunaime Kakaiyari teiterimama,

¹⁶ nepikatihayewa pamipariyutsi ne'ipitiati Kakaiyari xehetsiemieme. Nenenenewieti nepehiawe xehetsiemieme,

¹⁷ mipai netinenenewieti, Tati'aitiwame Ketsutsi Kiritsitu Kakaiyarieya, ta'ukiyari witsimi'ane, mipai ketixepitiaka yu'iyaritsie xemitemaiwaweniki, naiti mitimatsiikiniki xehetsiemieme xe'imaikaku.

¹⁸ Mipaita nepitiyunenewie, yu'iyaritsie xeke'uhekariwiyarieni xe'imaiti tita temitekwewie miki tatsi'uta'inieku, xemitemaikaki tita mitatipitiani, waikawa kemitiptime witsikemiti'ane tita tahetsie mitinake Kakaiyari teiterimama wahamatia,

¹⁹ xemitemaikaki meta mariwemekі kemititirikaiye tatsiparewienike tame yuri temite'erie. Yitirikariyaki mipai kaniyiweni, yemeki tirikaiyeti,

²⁰ yaxeikia kemitiuyuri Kiritsitu hetsiemieme 'enukuketati mikite watsata, yutserieta 'ikayeti muyuawitsie.

21 Mana yunaime waheima nakaweni
tewa, miki memite'aita heitserie memexeiya
memitirikawi memiwa'ukiyarima, tsepa
kememitetetewa, yunaime waheima nakaweni,
hiki miemete waheima, tukari 'umamietsie
miemete waheima.

22 Mipaita pitiuyuri naime ra'iwati mitita'aitaki,
mipai tinipitiani naime mitikuyuitianiki
memiyutixexeiriwa wahetsiemieme, tewi mu'uya
mikuyuitiwa hepai yuwaiyari.

23 Memiyutixexeiriwa waiyarieya
mekanihikitini, miki mekaniutihiniyarieni,
wahiniyakaku kemi'ane nai mitihiniya naitserie.

2

*Ketemite'utawikweitsitarie Kakaiyari 'aixia
mitiuka'i'yariki*

1 Xemeta hepaina kanixe'anutanieritiani tsepa
xemimikitetikai xeheuyexiriet i 'axaxeteyuriet i.

2 'Anapaiti xeniu'uwakaitini mipai xeteyuriet i
kememiteyurie hiki miemete kwiepa memitama,
kemitiyuriene kemi'ane mitiwa'aitia miki
heitserie memexeiya 'ekapa memanukuneniene.
Kemitiyuriene miki kakaiyari hiki miwakuyuitiwa
miki memikayuwaiya yamemitekahuniki, mipai
xekateniyuriekaitini xeme.

3 Miki tewaniti 'anapai tekaniu'uwakaitini
tanaiti ketemite'ukahiwe'eriekai waitsie
tetewiyati. Kemitinakekai tawaiyari,
ketemitetakihawekai, yatekateniyuriekaitini.
Ketemi'anenekai takimana, tahetsie katini-
nakekekaitini temihekarieniki, yaxeikia hipame
wahepai.

4 Matsi Kakaiyari waikawa katani-naki'eriekaitini, niyutatuakaitini tatsinenimayati.

5 'Ayumieme tsepa temimikitetikai teheuyexirieti, miki Kiritsitu mame katananutanieritiani. 'Aixia mitiuka'iyariki xeputawikweitsitarie.

6 Hamatiana katananuku'uitiani, kataniukay-atsa muyuawitsie Kiritsitu Ketsutsi hetsie tetewiyaku.

7 Tukari 'umamietsie mitihekiataniki kemitiyutatua 'aixia tiuka'iyariti, 'ayumieme mipai katiniuyurieni. Yatinihekiamikikaitini 'aixia tatsiyurieneti Kiritsitu Ketsutsi hetsie temitewiyaki.

8 Mipai 'aixia mitiuka'iyariki, 'ayumieme xeputawikweitsitarie yuri xete'erieti. Peru kexemite'utawikweitsitarie, yikimana xepika'utawikweitsitarie. Kakaiyari pita yakatinixe'upitiani.

9 Tixaiti xemite'uyuriki xepika'utawikweitsitarie. 'Ipa nepaine kapa xewiti naki'akaki yikimana.

10 Miki 'iwewarimama tekanihikitini. Kiritsitu Ketsutsi hetsie tetewiyati tekaniunetarieni 'aixia temiteyuriekaki, Kakaiyari meripaiti kemitikaye mipai teteyurieti temu'uwaniki.

Kuruxitsie 'umierieka, 'aixia kemitiuyuri, 'aixia temitexeyariekaki

11 'Ayumieme xeketena'eriwani xeme 'anapai kexemi'anenekai. Xepikahuriyutsixitikai herie kexemi'anenekai. Miki 'iniatsiekate memite'uyuteriwa, miki mekanix-etawe'eriekaitini mipai me'utiyuati kename xeme wahapai xeka'iniatsiewawe, miki yuwaiyaritsie

memeixeyakaiki huriyutsixi wa'iniari, mamaki kemitiuxiteke.

¹² 'Anapai xepikaheixeyakai Kirititsu. Xepiyupataakai 'ixaheritsixi teiteriyari wahapai heitserie xekahexeyati. Kiekame heitserie kemirexeiya, xeme xaitsie miemete wahapai xepi'anenekai. 'Atsixepikatemalaikai tiratute hepaitisita, Kakaiyari kemainekai kemitiwapitianikekai. Tixai xepikatekwewiekai, Kakaiyari xepikahexeyakai 'ena kwiepa.

¹³ Hikirixia Kirititsu Ketsutsi hetsie xetewiyati 'ahura xekanakine xeme tewa xemu'uwakai 'ana, Kirititsu xuriyaya mutayeuriki.

¹⁴ Miki kanihikitini kemi'ane mitatsipitia 'aixia temitetaxeianiki. Huriyutsixi, meta memikahuriyutsixi, niwarutaxewiriya yunaime. Kepauka temataka'uniekai, tetsariya warita temuti'uka hepai tekani'anenekaitini, peru Kirititsu nenuta'una tetsariya.

¹⁵ Ketemite'ataka'uniekai, kataniunitiani kepauka mumierie. 'Iniari niukiyari kananuyeitiani ketemite'aitiariakai xexuime 'aitsikaki. Mipai katiniuyurieni nuiwari yiki mi'ane minetianiki, tatsi'utaxewiriyaka tame meta xeme hetsiena tetewiyakaku, kemitatipitia 'aixia temitetaxeianiki.

¹⁶ Mipai katiniuyurieni meta Kakaiyari hamatia 'aixia temitetaxeianiki xeiwaiyari tehikiti. Mipai katinaye'atiani kuruxitsie 'umierieka, tatsinitiatu temataka'uniekaiki.

¹⁷ 'Ana nuaka niuki 'aixia manuyine kanixekux-axatiwakaitini, xeme tewapai xemu'uwakai 'aixia kexemitexeiyarie tameta 'ahurawa temu'uwakai

katanikuxaxatiwakaitini 'aixia ketemitexeiyyarie.

¹⁸ Mipai mitiuyuriki, tanaiti heitserie tekanexeiyani temaye'axianiki ta'ukiyari hetsia xei'iyariyaritsie tetewiyati.

¹⁹ Hikirixia 'ayumieme xaitsie xepikakiekatari, kikamete xepikahiki. Matsi Kakaiyari teiterimama wahamatia heitserie xepexeiya, Kakaiyari kie xepikiekatari.

²⁰ Ni'aritsixi texaxatamete kememitekuxatakai, tetsariya kitia mieme hepai 'aneme mekani-utawewieni. Wahetsie xetewiyati xekanakine, kii kemitiwewiwa tetsariya heima. Kiritsitu Ketsutsititi kanihikitini tsikurita mieme tete 'aminena.

²¹ Mikitsie tiwiyati kanixewiriyarieka naiti miwewiya, Ti'aitame hetsie kemitiwiya tuki payeika Kakaiyari hetsiemieme mipatsie.

²² Xemeta hetsiena xetewiyati xekan-iti'uitarieximeni xeikiyari xemakineki 'axeikia, Kakaiyari xetaita mayekaniki yu'iyariki.

3

*Papuru kemitihiiritiariakai teiteri
memikahuriyutsixi wahetsiemieme*

¹ 'Ayumieme nenewieri Kakaiyari nekani-upitiani. Ne Papuru nekanihikitini kemi'ane Kiritsitu Ketsutsi hetsiemieme nemanutahiya xeme xemikahuriyutsixi xehetsiemieme.

² Xiari xepu'enana kenemitiuhiritiari, Kakaiyari 'aixia tiuka'iyarikaku. Mipai nepitiupitiarie xehetsiemieme.

³ Xepu'enana kemitiuyi kepauka nemitiuta'ikitiarie tita miti'awietsiekai hepaitsita.

Kakaiyari yikimana matsiikime kanayeitiani.
Mipai ne'utaiti 'etsiwa nepitixe'uta'utiri.

⁴ Kenemainekai, xe'iteriwati xekaniywaweni
xemitemaikaki kenemitimaiwe 'iki niuki
mi'awietsiekai Kiritsitu mukuxata hepaitisa.

⁵ Meripai teiteri memanutiki wa'utima
miemete, 'ana mipai mepikate'ikitiariekai
teiteri, hiki matsi ni'ariekate memupatsie,
meta Kakaiyari niukametemama, miki mipai
mepite'ikitiarie 'Iyari yatiwahekiatiakaku.

⁶ Mipai mepitehetima, teiteri
memikahuriyutsixi huriyutsixi wahamatia
yaxeikia wahetsie pitinake, xeiwaiyari mepaki
huriyutsixi wahamatia, 'axeikia mepeixeiya
tita huriyutsixi memite'utahiawarie kename
meheixeiyanikekai miki. Kiritsitu Ketsutsi
hetsie metewiyati mipai mepu'itiae niuki 'aixia
manuyineki.

⁷ Neri miki niuki hepaitisa nepuhiritiae
Kakaiyari keminetiumi 'aixia tiuka'iyariti,
yitirikariyaki keminetiuyuitia.

⁸ Meriki tsepa yunaima Kakaiyari teiterimama
wahepai nemikamariwe, 'aixia tiuka'iyarikaku
mipai nepitiumikie, niuki 'aixia manuyine
nemiwakuxaxatiwaniki hipame nuiwarite
mipai ne'utaiti, Kiritsitu waikawa kemirexeiya,
katiyu'iniatsiniakame.

⁹ Mipaita nepitiumikie, nemitiwahekiatsitiyaniki
yunaima tita Kakaiyari mitiyurienikekai. Mipai
pikatimatsiikikai, katini'awietsiekaitini matsi
matiaripaiti. Kakaiyari naima mutiunetia, miki
xeikia mipai katinimaikaitini kemitiyurienikekai,
yakatini'awietakaitini

¹⁰ matsiikiti mayaniki hiki, memiyutixexeriwa yametehekiatakaku, miki muyuawit-sie memite'aita heitserie memexeiya yamemitehetimaniki, miremeki kemitimaiwe Kakaiyari, tahetsie yatimatsiikikaku.

¹¹ Mipai tiyurienike, yapitiyikihawekai meripaiti, mipaita katinaye'atiani Tati'aitiwame Kiritsitu Ketsutsi yatiyurienekaku.

¹² Mikitsie tetewiyati heitserie tekanexeiyani temitahaweki teyutatuati, 'aixia 'iyariki temaye'axianiki hixiena, yuri temite'erieki hetsiena.

¹³ 'Ayumieme nepixewawirie xemikawairipiekaki ne'uximatiariakaku xehetsiemieme. Mipai nemi'itiarieki, 'ayumieme xepaye'axiani witsixe'aneneti xemakineki.

Nenewieri 'epetsutari wahetsiemieme

¹⁴ 'Ayumieme nekaniutitunumakeni nenewieri ne'ipitianike Tati'aitiwame Ketsutsi Kiritsitu 'ukiyarieya.

¹⁵ Miki meha'eriwati yunaiti nuiwarite yamekatenitetewaka kwiepa memitama meta muyuawitsie memitama.

¹⁶ Nepinenewiya, miki waikawa kemirexeiya witsiti'aneneme, mixepitianiki yemeki xemitirikariyarieniki yuhetsie 'Iyarieya yatixetirikariyakaku,

¹⁷ miki meta, kexepitiaka Kiritsitu xe'iyaritsie miyeekaniki yuri xete'eriekaku. Xeteyukanaki'erieti xekenetseiriyarieka, kiye kemititse'i hananati, kii kemititse'i tetsariyatsie weti.

18 Mipai xeteyukanaki'erieti 'axeikia
 xekaniyiwawekuni xemitehetimaniki, yunaime
 Kakaiyari teiterimama wahamatia, kemakuyewa,
 kemeutatewa, kemeutitewa meta kemeukatewa,
 Kiritsitu kemitiyukanaki'erie,

19 xemimaikaki Kiritsitu naki'eriyaya,
 tsepa tewi mikayiwe yamiretimaniki.
 Xeke'utihiniyarieni, hepaina xemi'aneneniki,
 Kakaiyari kemi'ane.

20 Kemi'ane miyiwe matsi kwin-
 imieme mitiyurieneniki tsepa kemtitita,
 tame matsi ketemikate'iwawiriewawe
 ketemikateta'iyaritiawawe, tirikariyaya
 kemitatikuyuitiwa,

21 miki hepaitsita 'aixia meke'utiyuaneni
 metatsiha'eriwati tame temitatixexeiriwa
 Kiritsitu Ketsutsi meha'eriwati, yunaiti teiteri
 mexi me'anutikika tsepaneti xeitsienituyari
 wiyari manuyekika. Mipai xeikia kani'aneni.

4

Kiritsitu hetsie metewiyati kememiteyuxewi

1 'Ayumieme neri Ti'aitame hetsie
 netiwiyati nekananutahiyyaka, wairiyarika
 nekanixepitiaka, 'aixia 'anemeki xemu'uwani-
 ki, kemireuyewetse yamitikamieniki kemi'ane
 muta'inierie kexemite'uta'inierie xeme.

2 Tixaiti xekatehikititi xekeneyu'erieka
 naimeki, xepika'ayu'eririyani, 'axeketeneutewini
 xekaha'ati, xekeneyunewieka matsi xeyu-
 naki'erieti.

3 'Iyari kemitatixewiriya, xekeneyumexiitiaka
 xemiyuhayewaki xeyuxewiti 'aixia xeteyuxeiyati.

4 Xeiwaiyari tekanihikitini, meta 'Iyari kaniyuxewini. Yaxeikia xeme kepauka xemuta'inierie, tita xetekwewieti xemite'aki, mikita kaniyuxewini.

5 Ti'aitame kaniyuxewini, xeimetsie yuri tekateni'erieka, xeime hetsie tetewiyati tekaniuka'iyarieni.

6 Kakaiyari yunaime miwa'ukiyari mikita kaniyuxewini, miki yunaime katiniwa'aitiaka, yunaime kaniwakuyuitiwani, yunaime wahetsie katiniwiyani.

7 Matsitsi taxexuiti yatepitemikie ketemite'iniatsiyarie, Kiritsitu kemitatimikwa.

8 'Ayumieme mipai paine 'utiarika:

«Wapaiti 'anutiyaka,
me'anutaxiriyakame kaniwarehapani
yumiireme,
meta teiteri 'imikieri kaniwarumini».

9 (Merikite ketita tixata «wapaiti 'anutiyaka» maine, mipai xiari paine, peukayune meri 'emeukatewatsie kwiepa paiti?

10 Kemi'ane meukayunixi, miki kanihikitinita kemi'ane muyuawi heima manutitia 'atewa, naime mihiniyaniki).

11 Miki mipai pitiwarumi, hipati ni'ariekate memakineki, hipatita texaxatamete, hipati tehekhatamete, hipatita te'iwiyamete meta te'ikitamete.

12 Yakatiniwarumini waraye'atianike yuteiterima yamemite'uximayakaki kememite'uhiritiarie. Wakimana Kiritsitu waiyarieya kaniweriyariekamiki.

¹³ Mipai tekatenipitiarieka mexi te'aye'axiaxime tanaiti temitaxewiniki yuri ketemite'erie Kakaiyari nu'ayatsie, ketemiteheitima. Mipai tekatenipitiarieka tewi maye'awe temakineki, temitsetseyeniki Kiritsitu kemiraye'awe hepai, miki Kiritsitu ta'iniairitikaku.

¹⁴ 'Ana tepitehayewani tiiri wahepai teyiati. Tepikakuyuitiariwani naime 'ikitsikaki, hamewari kemitiuyuane 'ekaki, teiteri kememiteyukwamana, kememiteyu'iyaritia mete'irimati memeuyexirieniki.

¹⁵ Matsi yuri te'utiyuati tetetakanaki'erieti, tekanitiwerikuni 'iya hepai te'ananeti temakineki naimeki. 'Iya kanitamu'utini Kiritsitutiti.

¹⁶ Tanaiti hetsiena tetewiyati tekanitaw-eririmeni, tewi waiyarieya yumu'utsie tiwiyati kemitiwere naiti. Waiyarieya nawitiarieni kaniutaxewiriyarieni, turuyari naiti 'ixewiriyakaku, xexuiti waiyariteya yatiyurienekaku kemireuyewetse. Yaxeikia tewi waiyarieya kemitiyuweriya yikimana, tameta tetetakanaki'erieti tekanitirikariyarieka waiyarieya tehikititi.

Yiki 'anemeki kemirayeniereni Kiritsitu hetsie ti-wiyati

¹⁷ 'Ayumieme 'ipai nepaine, Ti'aitame hetsie netiwiyati 'ipai nepitihekiata. Xepika'u'uwani hipati kememiyia memikatateiterima. Yaki xeikia mekateniku'eriwani miki,

¹⁸ mekaniuyiriyarieni kememiteyumate yu'iyaritsie, heitserie mepikahexeiya Kakaiyari

tukari miwapiṭianiki, miki 'atsimemikatemateki
wa'iyari mitsetse'iki.

19 Kememi'anene, miki yu'iyaritsie
mekaniximimianini, mepiyuwairiya
memirukuyatiweniki kememiteyukahiwe'erie,
yamemiteyuriekaki naime tita mikati'itiya
yuhetsiemieme metehiwe'erietī.

20 Peru xeme mipai xepikate'u'ikitiarie Kiritsitu
hepaitsita.

21 Xiari hepaitsitana xepi'enana, hetsiena
xetewiyati xepite'uta'ikitiarie tita yuri miraine,
Ketsutsi hetsie kemitimatsiiki.

22 'Ayumieme kexemite'u'ikitiarie, xeke-
nanutihina tita mitiye'i, xeketeneuhayewa
kexemiyaikai meripaiti. Kemi'ane mipai
mitiyuriene, miki kanitapinirimeni 'irimari
kemitihiwe'eritia.

23 Xehekwariyarieti xekenakini, yu'iyaritsie
'aixia xeteyikihaweti.

24 Xekenanakatiki tita 'aixia miti'ane, tita
mitiunetiarie Kakaiyari hepai'aneti. Miki tita yuri
mirainetsie memimiemete wahepai heitseriemeki
yaxeketenekahuni, Kakaiyari xe'ayexeiyati
xekeneyiaka.

25 'Ayumieme xeketeneuhayewa xete'itawati,
yuxexuiti yuri xeketenehutahiawi, tanaiti 'axeikia
temitaxewiniki xeiwaiyaritsie temimiemeki.

26 Xika xeha'aka, perutsi 'axaxepikateyurieni,
xepika'ipitiaka xeitukari xemiha'akaki.

27 Meta, Kauyumarie xepikapitiaka xehetsie
muyuhayewaniki.

28 Kemi'ane mitinawayakai ketiuhayewa
tinawaneti, ketikumaiwani matsi yumamaki

'aixia tiyurieneti, mirexeiyaniki miki memiteheuyehiwa mitiwayetuiwaniki.

²⁹ Niuki 'axamaniyine xika xeteta 'atineni, 'aixia pikayini, matsi pita xika 'aixia 'anemeki xe'utiniukani watseiriyati kemi'ane meiyehiwa, mipai xekeneutiyuaneni pita, 'aixia xemiwayurieniki 'enakaremete.

³⁰ Xepika'ihweritiaka Kakaiyari 'Iyarieya Mitiyupata. Miki kanixetseyutini kimana xemu'iniatsie mexi tukari ka'aye'awe kepauka temixinarieni.

³¹ Xeketeneuhayewa xehayutsiiriyati xeteyuka'uxiwe'erietu xeyuhaxiawiyati xe'utihiwati 'axaxe'utiyuati. Miki naiti ketixani'eriwani xehetsia, meta naiti 'axamiti'ane.

³² 'Aixia xete'u'iyariti xekenakini, xekeneyunen-imayaka, xeketeneuyuyehiwiriek, xeme Kakaiyari kemitixehuyehiwiri Kiritsitu hetsie xetewiyakaku.

5

Hekiaripa miemete wahepai xekeneyiaka

¹ 'Ayumieme Kakaiyari xe'iketi xekenakini. Kemi'ane mixenaki'erie niwemama wahepai xekeneyiaka.

² Xeteyukanaki'erietu xekeneu'uwani, yaxeiak Kiritsitu kemitatinaki'erie, kemitiyuyetua tahet-siemieme mimierieniki. Mawaritati kaniyuyetuanani 'ixatiati Kakaiyari, 'inaki'atsitati.

³ Hipati mekaniwakumaiwani kemi'ane mikawa'iya mikawakina, mepika'itiatika, yuhetsiemieme mekatenihiwe'eriek naim. Matsi kememiteyurie, miki xepikakuxatani

xeme, meuyewetseki miki Kakaiyari hetsiemieme
memupatsie mipai memikateyuriekaki.

4 Hipati mipai mekateniyurieka,
ketemitetewiniarienieikai xika wahepai
teteyuriekake. Yaki xeikia mekaniutiyuaneni,
mekaniyunanaimaka 'axami'aneki. 'Aixia
pika'ane mipai xemiteyuriekaki, matsi
peuyewetse Kakaiyari pamipariyutsi
xemipitiakaki.

5 Teiteri mepiwakumaiwa kemi'ane
mikawa'iya mikawakina, mepika'itiatika,
naime mepitehiwe'erie yuhetsiemieme. Tita
mitihiwe'erie, miki payexeiya yukakaiyaritime.
'Ipai xeketenemaika, yunaiti miya memiteyurie,
miki wahetsie pikatinake memaye'axianiki
Kirititsu tiwa'aitiwame mayaniki, meta Kakaiyari.

6 Nikati xewiti tixe'u'itaiya 'eka niuki
wewieti. Miya memiteyuriek, 'ayumieme
Kakaiyari piwaheka miki memikayuwairiya
yamemitekahuniki.

7 Merikite, xepikayuxewiriyani wahamatia ke-
memiteyurie.

8 Meripaiti yiwipa xepimiemetetikai, hikiri
matsi hekiaripa miemete xekanakine Ti'aitame
hetsie xetewiyati. Hekiaripa miemete wahepai
xekeneyiaka.

9 (Hekiariya kemitixuaweriya, 'ipai
katiniyurienemiki tewi. Naimeki 'aixia
katiniyurienemiki, heitseriemeki yaka-
tinikamiemiki, yuri kaniutainemiki).

10 Xekeneyi'wiya yaxemitehetimaniki tita
Ti'aitame mitinake.

¹¹ Xepikayuxewiriyani miki yiwipa timieme kememiteyurie wahamatia. Tixaiti pikatitixuawere kememiteyurie. Matsi xekeniwahekiatani kememiteyurie.

¹² 'Awie kememiteyurie miki, putewiuuyikire miwakuxataniki.

¹³ Peru miki naiti hekiatsieti, matsiikiti kanayeitiariwani hekiaripa. Hekiariya kanihikitini tita matsiikime mirayeitia naime.

¹⁴ 'Ayumieme mipai paine:

«'Eki pemikutsu, kenanutanieri,
mikite watsata kenanukukexi,
meta Kiritsitu kamanihekiariyamiki».

¹⁵ 'Ayumieme xekeneyukweriwayurieka 'aixia kexemite'u'uwa. 'Atsimemikatemate wahepai xepikayiaka, memitemaiwawe wahepai pita xekeneyiaka,

¹⁶ xekeneyukumexuitiaka 'aixia xemiteyurieniki, mexi tukari xepitiarie hipati tukari 'axami'aneneki.

¹⁷ 'Ayumieme 'atsimemikatemate wahepai xepikayiaka, matsi pita xekenemaika tita Ti'aitame mitinake.

¹⁸ Xepikatariwetiweni winuki. Mipai tiyurieneti pirukuyaneni xeikia. Matsi 'Iyariki pita xekenehipineni.

¹⁹ Yuxexuiti xekeneyutuikani, niawari hepaitsita meta Kakaiyari kwikarieyaki, kwikari 'Iyaritsie timieme hepaitsita manuyine xekeneutikwika, xe'iniawati Ti'aitame yu'iyaritsie.

²⁰ Yuheyemeki naimeki pamipariyutsi xekenepitiaka Kakaiyari mita'ukiyari,

Tati'aitiwame Ketsutsi Kiritsitu hetsia
xemiemiemeteki.

Xeyuxewiti yaxeketenekahuni

²¹ Xeyuxewiti yaxeketenekahuni Kiritsitu
xe'ayemakati.

²² 'Ukari yaxeketenekahuni xekinama
kememaitika, yaxeia kexemitekahu Ti'aitame
ti'aitakaku.

²³ 'Uki 'uka mu'uya kanihikitini, yaxekiata
Kiritsitu memiyutixexeiriwa wamu'u kanihikitini,
miki kanihikitini kemi'ane yuwaiyari mutawik-
weitsitia.

²⁴ Memiyutixexeiriwa yamekatenekahuni
kemitiaita Kiritsitu, yaxekiata 'ukari
yameketekahuni kememaitika wakinama
naimeki.

²⁵ Xeme 'ukitsi xekeniwanaki'erieka
yi'itama, Kiritsitu mitiwanaki'erie hepai
memiyutixexeiriwa, miyuyetua hepai
mimierieniki wahetsiemieme.

²⁶ Yuhetsiemieme miwapataki mipai
katiniuyurieni, wa'itieti haki niukiki.

²⁷ Mipai pituyuri yikimana, yihixie
miwati'uitaniki memiyutixexeiriwa
witsime'ananeme, mekaheukuyiyiwime,
mekaeuwiwirawime, tsepa tixaiti mipai
miti'ane, matsi mipatsiekaki pita wahetsie
mikarahiwaniki.

²⁸ Yaxeia kaneuyeweka 'ukitsi
mewaniwanaki'eriekaki yi'itama, yuwaiyari
memitenaki'erie hepai. Kemi'ane yi'ia
minaki'erie, miki kaniyunaki'erieka.

²⁹ Tewi hatsuaku yuwaiyari pika'uxie, matsi piweriya pikemaritia. Kirititsu yaxeikia piwayurie memiyutixexeiriwa,

³⁰ waiyarieya temihikiki. Waiyarieya 'umeyarieya tepihiki tame.

³¹ Kemaine: «'Ayumieme 'uki kaniyupatamiki, yupaapa yumaama wahetsia kanayeyeimiki, yi'iyatsie pita katiniwiyamiki, memiyuhutakai xeiwaiyari mekanakinikuni meyuxewiti».

³² 'Iki niuki matsi kanitirikaiyeni, tsepa mi'awietsiekai, Kirititsu hetsiemieme memiyutixexeiriwa wahepaitsita nepaine.

³³ Merikite xemeta yuxexuiti yunaiti yi'itama xekeniwanaki'erieka kexemiteyunaki'erie hepai, meta 'ukari yikinama 'aixia meketewaxeiyani.

6

Tiiri meta wa'ukiyarima

¹ Tiiri xekeniwa'enieka yupaapama Ti'aitame hetsie xetewiyati, mipai xika xeteyurieka piheitserie.

² «'Apaapa meta 'amaama keniwareu'enieka —kemaine, miki 'aitsika mexiakame kanihikitini, mipaita paine kename tixaiti tiupitiarieni—

³ mipai petiyurieneti 'aixia pepi'itiarieni 'apepireutere kwiepa, pe'uyeikati».

⁴ Xemeta xemiwapaapama xepikawahaxiatiaka yutiiriyama. Matsi xekeniwawaweriyani xewakuwayati meta xetewa'ikitiati yamitikamieniki Ti'aitame hetsie tiwiyati.

Te'uximayatamete meta wakutsiyarima

5 Te'uximayatamete, xekeniwa'enieka miki memixekutsiyarima kwiepa, xehaumamati xe'utiyiyiakati, 'aixia 'iyariki xete'uximayati, Kiritsitu hetsiemieme matsi xekateni'uximayakakuni.

6 Wahixie xeikia xepikate'uximayaka teiteri xewanaki'aritanike, matsi Kiritsitu hetsia miemete te'uximayatamete xemihihiki, yu'iyariki yaxeketenyurieka tita Kakaiyari mitinake.

7 Xeyuwairiyati xeketene'uximayaka, kemi'ane Ti'aitame hetsiemieme miti'uximaya hepai xeyiati, teiteri wahetsiemieme pikatixai.

8 Mipai xeketenemaika, yuxexuiti 'aixia kememiteyurie, mipai mekatenipitiariekuni Ti'aitame yatiwapitiakaku, tsepa te'uximayatamete memihiki, tsepa memiyuni'a.

9 Xemeta, xemiwakutsiyarima, yaxeikia xekeniwayurieka, xeketeneuhayewa xewamar-iutati. Mipai xetemaiti, kemi'ane miwakutsiyari mixekutsiyari xemeta, miki Ti'aitame taheima pakawe, yiki teiteri pikatiwaxeiya.

Kakaiyari kemitiwa'ixiparatia yukuyaxima

10 'Imatirieka ne'iwama, Ti'aitame hetsie xetewiyati xekenetirikariyarieka, kemi'ane mitirikaie xetirikariyakaku.

11 Kakaiyari kemitiwa'ixiparatia yukuyaxima, mikiki xekenyukuha'aritiaka kuyaki, xemiwiwaweniki xemiti'ukaki xekakuyuitarieti Kauyumarie 'irimarieyatsata.

12 Tameri teiteri tewaraye'unieti tepikatakwiawe. Matsi te'aitamete, heitserie hexeyiamete, miki memite'aita 'ena yiwipa

naitsarie kwiepa, 'iyarite memiyukwitiwe
tita 'axamiti'anetsie mieme muyuawitsie
memuxuawe, miki tewaraye'unieti pita
tepitakwitiwe.

¹³ 'Ayumieme xekenanu'ii Kakaiyari
kuyaximama watepia naime. Mikiki
xekaniyiawaweni xemeye'uniekaki tsepa tukari
'axami'ane, xekaniyiawawekuni xemiti'uniki
xekakuyuitiariwati, naime xe'aye'atiame.

¹⁴ 'Ayumieme 'axekeneti'uka 'aixia. Kuya
kemirayuhia, xemeta tita yuri miraine
xekenekuxatani. Kuya tepia kemiranakatiki
yutawie kapa 'u'axieniki, xemeta heitseriemeki
yaxeketenekahuni.

¹⁵ Yukakaitsie kemireukexia, xemeta
xekeneyukuha'aritiaka niuki 'aixia manuyinetsie
xetewiyati, 'aixia ketemitexeyarie manuyinetsie.

¹⁶ Miki meta, 'eyeume kemirakaxu'u kimana
miyukunarima, xemeta yuri xeketene'erieka.
Mipai xepiyiawaweni xemitiniki naime
'axamitiuka'iyari 'iriteya mitaiwawe.

¹⁷ Kuya yumu'utsie tepia kemiranaketsa,
xemeta mipai xeketenemaika, xemutawik-
weitsitiarieki. 'Ixi para kemirakwe'e, Kakaiyari
niukieya xehexeyati xekeneyukwitiweni, 'Iyari
kemitiyumiene mikiki.

¹⁸ Naimeki xekeneyunenewieka xeke-
newawirieka. Yuheyemeki nenewieri
xekenepitiaka 'Iyaritsie xetewiyati. Mipai
xemiteyuriekaki, xekeneyihitiaka, yemeki
xepikatehayewani xe'iwawirieti Kakaiyari
yunaimeteiterimama wahetsiemieme.

¹⁹ Nehetsiemiemeta xekeneyunenewieka, niuki

nemipitiariekaki kepauka nemitaniuni, nenetatuati nemihekiataniki tita miti'awietsiekai niuki 'aixia manuyine hepaitsita.

²⁰ Mikitsie mieme nekaniniukametini tsepa tepiaki nemanutahiya. Xekeneyunewieka neminetatuaniki niukitsie mieme, kemireuyewetse nemitaniuniki.

Wairitsika kemitiwareutani'airiexia

²¹ Yaxemitemaikaki xemeta kenemiranayemie kenemitiyuriene, naime yakatinixetaxatiamiki Tikiku. Miki kanita'iwatini teminaki'erie. Tiparewiwame yamitikamie kanihikitini Ti'aitametsie mitiwiya.

²² 'Ayumieme xehetsia nepenuni'ani yaxemitemaikaki ketemite'anayeki, xe'iyari mituikariekaki.

²³ Kakaiyari mita'ukiyari meta Ti'aitame Ketsutsi Kiritsitu mekewapitiaka 'iwamarixi memika'uximatiariekaki yu'iyaritsie, meta mekewapitiaka memiyunaki'eriekaki yuri mete'erieti.

²⁴ Kakaiyari 'aixia ketiuka'iyarini kemi'ane yuheyemeki Tati'aitiwame Ketsutsi Kiritsitu meminaki'erie wahetsiemieme.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3